

醫

日局印行

醫編卷之二

南海何夢瑤報之輯

松江李林馥啟賢氏重校

雜症

傷風寒

附鼻淵一有卒倒等症為中無卒倒等症為傷下各篇做此

甚者偏傳經絡已見傷寒論此言其輕淺者邪止犯皮毛皮毛為肺之合皮毛閉則肺氣不得外泄故上壅而嚏蒸成涕液壅塞鼻中故聲出重濁肺氣鬱而成熱故肺癢而效其人平素體氣寒者則無汗熱者則有汗或發熱或不發熱或頭痛或不頭痛蓋雖輕症其中又分輕重也虛者參蘇飲見發熱實者川芎茶調散此症與鼻淵相似而不同傷風屬肺有噴嚏且為寒邪故涕清鼻淵屬腦故無噴嚏且係熱邪故涕濁甚則有穢氣鼻出血蓋鼻淵屬風熱入腦熱氣湧涕傷鼻兩孔氣出如火痛或成瘡熱不得泄傷及所過營血則衄矣初起蒼耳散散之久病熱深防風通聖散見中風清之衄者犀角地黄湯見涼之鼻孔痛成瘡猪胆汁調水硼散見塗之

鼻淵屬腦熱云無嚏於理未的詳欠嚏篇可見矣

破傷風

或損破或瘡潰風從破處入鬱遏正氣為熱理同傷寒而或甚者以曾經去血挾虛也故多搐搦等症先須辨瘡口平而無水者止于鬱熱而已若腫而出水則熱鬱

而蒸成濕矣

脈浮在表宜汗羌活防風湯九味羌活湯表解後以白朮防風湯補

之

脈弦者半表半裏宜和解小柴胡湯

見寒熱

羌活湯地榆防風散

脈沉實不大

便在裏宜下大芩黃湯江鯁丸後服羌活湯

發表藥宜辛涼不宜辛熱

服風藥

過多汗不止者白朮黃耆湯

搖痙不已蠲痙湯凡痙搖須養血潤燥加引經藥背

後搖者羌活獨活防風甘草面前搖者升麻白芷獨活防風甘草兩旁搖者柴胡防

風甘草右搖加滑石

右屬脾濕也

手足顫掉不已朱砂指甲散

頭目青黑額上汗珠

不流眼小目瞪痛不在瘡處者傷經絡也並不治

亦有瘡熱鬱結多着白痂瘡口

閉塞氣不宣通鬱熱生風者此為內風但須清熱解鬱

外治法初於人家糞堆內

或爛草房上取蟻螬蟲一枚捏住其背待蟲口吐水就抹在瘡口上覺麻即汗出立

愈或玉真散傳之或杏仁去皮細嚼和雄黃白麝傳腫消為度 牙關不開蜈蚣一

條焙乾研末擦牙吐涎立甦

### 傷暑

熱盛傷氣

壯火食氣也又氣為汗泄則益耗散矣

脈大而虛

氣虛故其症自汗面垢背惡寒

氣從汗泄則陽虛背

屬陰陽微故惡寒也

口乾前板齒燥

熱氣從口出故前齒燥

煩悶或頭疼火上發熱盛也神思怠倦殊甚

暑傷氣而不傷形

寒則傷形血脈為寒所滯也

故身體不痛與傷風寒異又與溫熱病相似而異

此脈虛彼脈實也又與濕溫相似而異此身熱而渴彼身涼不渴也此症首在察汗

之多少 汗少則熱盛于裏而傷其內氣肺氣傷必喘乏人參白虎湯見發熱脾氣傷

則四支困倦不欲食人參白虎湯多用甘草腎氣傷則津液涸小便少六味地黃湯

加知柏見虛損又暑先入心心屬火以類相從就燥之義也觀藥乾則先燃心氣受熱

而浮心血受熱而燥証見心煩口乾辰砂五苓散見傷硃砂安神丸見煩加黃連小

腸為心之府五苓利心經暑毒使從小便出為治暑上劑益元散尤佳 暑氣攻裏

腹內作痛小便不通生料五苓散加木香七分或益元散大便不通者加味香薷飲

暑見中仍佐以三黃丸見發熱暑毒客於上焦胸膈痞塞湯藥至口即出不能過關或

上氣喘急六和湯浸冷調入麝香少許 暑氣久不解遂成伏暑內外俱熱煩燥自

汗大渴喜冷香薷飲加黃連一錢繼進白虎湯見發熱若不愈著毒深入結熱在裏譫

語煩渴不欲近衣二便結澀調胃承氣湯見大便不通或三黃石膏湯伏暑煩渴多熱痰

者消暑凡每兩入黃連末二錢名黃連消暑丸或二陳湯見痰或小半夏茯苓湯見痰並

可加黃連一錢 自汗手足厥冷六和湯蘇合香丸見諸中 自汗手足時搐搦者謂

之暑風緣汗出毛孔開風乘之火得風扇益虐筋脉枯急故也香薷飲或香薷湯見並

暑並加羌活一錢痰盛者風火交煽則痰湧盛六和湯星香散見中風各半貼暑月身痒如針刺

間有赤腫處亦名暑風風邪留于皮膚熱不得泄故痒痛六和湯為末和消風散見頭痛酒調服 汗

多則熱泄于外陽衰于中真氣耗散宜急收其汗人參黃花白朮正味也屬以溫中

固表為宜 又汗大泄不止亡陽且令腎水竭絕津液內枯是為亡陰急當滋水之

上源三伏之義為庚金受困也金遇丙丁失其清肅故孫思邈謂夏宜常服五味瀉

丙以補庚恐金氣為熱所蒸散故斂之斂之即補也壬水絕于己癸水絕于午西北寒清絕矣故前人立

法謂夏月宜補乃補天元之真氣非補熱火也令人夏食寒是也生脉散見中主之

如兩足軟側脚膝痿弱行步不正是痿也加酒洗黃柏知母令兩足湧出氣力 東

垣謂熱傷元氣四支不收兩足痿軟遇早晚則寒厥日高之後陽氣將旺復熱如火

乃陰陽血氣俱不足故陰虛而熱厥陽虛而寒厥也熱盛則陰虛氣傷則陽亦虛也口不知味肝熱則口

酸心熱則口苦肺熱則口辛腎熱則口鹹脾熱則口甘或淡是為目肝火上升

視物眵眵無所見精神恍惚也小便頻數大便秘結熱在下焦胃脘當心痛氣虛不運或食或

痛或胸中閉塞時顯嘔噦皆不運之故或有痰嗽金受火刑口沃白沫腎水腰背腹痛甚則

如刀刺腹皆氣血凝滯之故頭痛時作火上升兩脇痛肝氣結或急縮臍下周圍如繩束之急帶

筋縮食不下或食入即飽全不思食火氣脹悶自汗尤甚若陰氣覆在皮毛之上氣弱陽

體使然東汗多浸皆熱傷元氣所致黃耆人參湯主之

又察其有無別邪如冒暑飲酒酒熱與暑氣內盛發熱大渴小便不利其色如血生

料五苓散見傷濕去桂加黃連一錢或以五苓去桂存酒煮黃連丸 如傷食者其人

頭痛背寒氣為食鬱不達于背也畏食惡心噯酸臭氣胸膈痞滿六利湯倍砂仁若因暑渴飲

冷致暑毒留結心胸精神昏憤語音不出者

寒閉熱于肺管故聲不出

香薷湯見中化蘇合香丸

見諸中

若先飲冷後傷暑者此必心下痞懷五苓散生薑湯調服佳或君子湯

氣調中

亦可中和後或小便不利或莖中痛宜蒲黃三錢滑石五錢甘草一錢

又暑每兼濕時當長夏濕熱大勝蒸蒸而熾人感之四支困倦精神短少懶于動作

小便黃赤者熱也肢節疼痛大便溏泄身體沉重者濕也脉洪大

也熱而濡或遲也濕

以清熱燥濕之劑治之東垣清暑益氣湯謂熱傷氣故以黃耆益氣固表為君人參

甘草為臣蒼朮白朮澤瀉等滲利除濕升麻葛根解表熱兼勝濕

風藥也故能勝濕

濕熱壅

滯則食不消而痞滿炒鞠青皮消食快食氣亂于胸中清濁相干陳皮理之黃柏以

瀉熱救腎人參五味麥冬救金以滋水之上源為佐血虛加當歸氣鬱加升柴中滿

去甘草咳去人參咽乾加乾葛血減心煩加人參

陽能生陰也

當歸少加黃柏瀉火如煩

猶不止加黃連然苟非兼溼則諸利水之品反足以耗竭腎水致損兩目慎之

東垣又謂風犯汗眼汗閉不出為溼身重體痛或渴或不渴小便不利此風溼相搏

也頭痛或上熱壅盛心煩情思慘淒有不樂生之意

陰溼之情狀如此所謂陽舒陰慘也此陰勝陽之

極也病甚則傳為痿厥厥者氣逆上衝也痿者四支痿軟無力也由濕鬱成熟熱極

上衝而厥筋脉受傷則痿也利濕清熱為宜矣

清燥湯可用

又傷暑後復感風寒者身痛頭疼發熱去衣則凜着衣則煩感風則有汗五苓散

見傷

濕內用桂枝感寒則無汗六和湯加藿香紫蘇市井中多此症往往日間冒暑經營夜間開窗眠卧所致有此症而發潮熱似瘧而未瘧者六和湯養胃湯見各半貼若鼻流清涕或鼻孔熱氣時出者亦六和湯加川芎五分羌活黃芩各七分已上皆夏月感受暑邪而為其所傷者也昔人所謂動而得之為陽症者是也有不又有因避暑貪涼而反為寒涼所傷者或納風涼以傷其外或食瓜果以傷其內因而頭痛發熱惡風無汗昔人名此為中暑或又名為中症似傷寒此為陰寒所遏周身陽氣不得伸越也治宜辛涼發散辛溫消導此全未傷暑而感風寒者與上文先傷暑症者也

暑月多食生冷忽受暑邪熱入於內陰陽錯雜冷熱相搏中氣擾動上壅則吐下迫

則瀉故多吐瀉霍亂嘔不止者枇杷葉散見中去茅根吞來復丹見中嘔而痰却暑

散見中吞消暑丸或小半夏茯苓湯見痰嘔而渴者浸冷香薷湯見中或五苓散見傷

濕兼吞消暑丸瀉而渴生料平胃散見傷生料五苓散各半貼名胃苓散或連理湯

即理中湯加黃連白茯苓也建中湯見中寒瀉止仍渴春澤湯加人參或縮脾飲見中瀉而腹痛有積者

生料五苓散藿香正氣散見中各半貼雖無積而腹痛甚氣滯也生料五苓散加水

香七分或六和湯加木香五分或用二湯調蘇合香丸見諸瀉而發熱者胃苓散如

吐利不止外熱內寒煩燥欲裸形此陰盛格陽香薷飲加附子或大順散加參附並

浸冷服又有吐極胃虛粒米不入病甚危篤者人參一錢黃連五分姜汁糯米一撮水一茶鍾煎至一酒盃候冷與一茶匙許漸漸與之與盡便可投藥食暑月人多服香薷飲以預防之若元氣素虛或房勞過度者服之為害不淺若飲預防惟生脈散為宜 暑病多陰証死而肢體爪甲青黑者是也故治暑之劑多用溫熱

### 傷濕

雨露本乎天清陽也故傷于上止犯皮毛

汗多衣濕不換致濕氣返入于內者同之

泥水本乎下濁陰也

故傷于下侵及骨肉二者皆自外入飲食之濕脾土所生之濕本乎人皆自內出在

外在工者汗之以苦溫甘辛之劑

辛散濕苦燥濕甘溫熱氣以散邪

在內在下者利之以苦熱酸淡

之品

恐其上行故用酸若以斂而降之以淡泄之

治飲食之濕在上則吐之在下則瀉之食濕則利之飲

則便利治脾土所生之濕則察其兼化蓋土德兼該挾風則為風濕

是注是挾火則熱濕熱

是挾寒則為寒濕

痺痛者是

又上下中外無處不到

在上則頭重胸滿嘔吐在中則腹脹在下則足腫

當分部位為治隨所兼寒熱溫涼以用藥又須察其為何藏之邪如自病土虛

生濕則補土如火盛生濕則清心如氣鬱成濕則升旺如金寒水冷泛溢為災則煖

腎所治之藥各從所入不特二朮也 其症發熱惡寒惡濕身重自汗骨節痛小便

秘濇大便多泄腰脚痺冷跗腫肉如泥除濕湯

濕中

若兼腰痛特甚不可轉側如纏

五六貫錢重者濕入腎也腎着湯滲濕湯

小便秘大便溏五苓散吞戊己丸

見若

兼感風則証兼惡風或額上微汗除濕湯桂枝湯各半貼令微發汗

不可大發如已得汗

而發熱不去者敗毒散加蒼朮一錢防己五分若兼感寒則無汗慘凜煩痛五積散

見中

和除濕湯

見中

五苓散各半貼若感寒又感風者汗出身重惡風喘滿骨節煩

痛狀如歷節風臍下至脚冷痺不能屈伸所謂風寒濕合而為痺也防己黃芪湯或

五痺湯

見痺

若浴出未解濕裙褲忽爾熟睡濕侵腎經外腎腫痛腰背彎曲五苓散

加入真坏少許下青木香丸

見氣

三服臧府通腫消腰直痛止坐濕處腎丸腫痛六

味地黃

見虛損

加柴胡吳茱萸肉桂各一錢獨活五分

若濕與熱相搏清熱滲濕湯

其証肩背沉重疼痛

有熱則工行

上熱胸膈不利及週身疼痛者拈痛湯

見身

濕

熱發黃當從鬱治

凡淫熱之物必鬱而後黃

逍遙散

勿用茵陳五苓

酒麴乳酪停滯不化除濕湯及蒼

白二陳湯消息之

即二陳加二朮二陳見痰飲

上吐下利二法利比吐為多以濕水也多就下

入利大便小便二法利小便比利大便為多以濕非挾痰食等濁物者皆當由小便

出也故曰利濕不利小便非其治也

燥濕三法風以勝之風動而地乾也羌防等

土以潤之水得泥乾也苓朮等酸以收之斂約不使泛濫也

肉緊縮則不虛

黃丹白礬等

實則水不能藏去得不從二便泄去

濕脈必緩兼浮為在表兼沉為在裏兼弦為風濕兼數為熱濕

兼遲為寒濕通用蒼朮茯苓朱苓木通木瓜石斛在上加防風在中倍蒼朮在週身

加烏藥羌活兩臂加桑枝威靈仙兩足加牛膝革薢防己寒濕雖暑月亦覺清

涼加虎骨官桂血必虛加當歸

### 傷燥

經曰諸燥枯涸乾動

凡物之乾燥者必硬動

皴揭

皴裂也揭起也凡物之乾者其皮必皴裂而掀起

皆屬于燥燥為肺

金之化秋令也所以致燥有二

一因于寒秋風清肅夏令之濕至是而乾所謂風勝

濕也一因于熱夏時熱盛有濕以潤之至秋則濕退而熱猶未除故燥所謂燥萬物

者莫燠乎火也其因于熱者固熟矣即因于寒者亦未始非熱何則秋令降斂陽氣

內入寒氣外束故每當秋涼多覺口鼻氣熱是其理也此言天時之致燥也若或亡

血亡津腎虛火盛致此多端則又屬于人事矣在外則皮膚皴揭枯涸在上則鼻咽

焦乾在下則二便涸澀在手足則痿弱無力

血不榮筋所致

在脉則滯滯虛衰治以甘寒潤

劑清肺以滋水源庶幾血充液滿澤及百骸滋燥養榮湯大補地黃丸清涼飲子導

滯通幽湯潤腸丸

二方見大便不通

八正散

視皆可隨証選用也內經每云秋傷于濕蓋

運氣之說以立秋處暑白露三氣屬濕土也畢竟傷燥者多

### 春溫

溫毒為風溫

溫春陽之氣也時至春而陽氣發動人應之身中之陽氣亦發動一遇風寒外襲閉

其腠理此氣不得升發即鬱而為熱與冬月傷風寒發熱無異而有急寒不急寒之

分者以冬時陽氣潛藏表陽虛故怯寒春月陽氣升發表陽盛故不怯寒也無汗者

當發散然冬月陽微可用辛溫春月陽盛宜用辛涼仲景麻黃湯止為冬月傷寒立法不可混施於此証也 經謂冬傷於寒春必病溫又謂冬不藏精春必病溫又謂

凡病傷寒而成熟者先夏至為病溫後夏至為病暑程郊倩謂冬傷于寒寒字當腎

字看蓋腎水屬冬其氣寒故古人往往言腎為寒如言肝為風言脾為濕之類細閱

前代醫書自見冬傷寒云云謂耗傷腎水陰精泄而不藏陰虛則火炎至春陽氣發

動火炎之勢不可遏止一為風寒所鬱故溫熱病生耳然豈特不藏精者乃然哉即

在平人當春陽氣升發感受風寒鬱而成病者固多金鑑謂能藏精者其病輕不藏

精者其病重避矣或曰經言溫瘧謂得之冬中風寒氣藏骨髓中至春則氣大發

大成熟因春陽而發為溫瘧邪不能自出有若字因遇暑氣腦髓灼肌肉消至骨

理開發此五句言若春時邪猶不能發至或有字因遇暑氣腦髓灼肌肉消至骨

先後內出于外也如是者陰虛而陽盛盛則熱矣衰則氣復返入入則陽虛虛

則寒矣陽氣發泄太過則表虛而法寒表法寒則明是言冬時觸寒子何敢程說耶

曰禮記謂言非一端而各有當各求其當可也 風溫即春溫之重者仲景曰太陽

病發熱而渴不惡寒者為陽明經証則為溫病春月感冒邪在太陽即得此証不俟

發汗已泄汗則熱身灼熱者名風溫熱感得發表之劑其勢益揚風溫為病脈陰陽

俱浮自汗出較風溫原本有汗由內熱熾盛蒸發之故身重氣壯動故重多睡眠鼻息

必軒熱壅神昏也語言難出瀕瀕傷若被下者小便不利亡陰直視精不聚失洩于內也若

被火者微發黃色火上加大熱淫欲發黃也劇則如驚癇熱生風時瘳癰縮而抽搖也若

火薰之一逆尚引日再逆促命期大抵風溫忌汗亦不宜下裡熱未實者不宜尤不宜大

當用雙解散去麻黃加桂枝石羔余謂桂枝不必加也春溫無汗雖宜解表然必兼清裡雙解

散審其表裡之重輕為加減可也雙解散乃防風通聖散合六一散也金鑑稱其神效加減用之可也此方雖內犯芒

硝大黃然泄熱莫速於此且分兩有限不至天下無傷也前人云溫熱証誤下不妨

誤汗則殆硝黃可用則用之可不用則去之是在臨証斟酌耳風溫汗太多脈虛

者桂枝湯見傷合人參白虎湯見發熱溫病兼暑証名溫毒治法不出上條濕溫

即溫病挾溼者其証身重胸滿多汗兩脰冷白虎湯加蒼朮茯苓

### 瘟疫病論

瘟疫非傷寒也世醫誤以為傷寒矣傷寒感天地之常氣此感天地之厲氣也邪自

口鼻入內不客藏府外不客經舍于伏脊之內去表不遠附近于胃乃表裏分界是

為半表半裏鍼經所謂橫連膜原是也凡邪在經為表在胃為裏今邪在膜原正當

經胃交關之所病之始發凜凜惡寒甚則厥逆陽熱鬱極而通則厥回而中外皆熱

始而惡寒既而發熱非若傷寒發熱而兼惡寒也瘟初起先憎寒後發熱頭痛身疼

脈洪而數其脈不浮不沉蓋以邪在膜原故也不可認為傷寒表証而發其汗邪不

在經汗之徒傷又不可下邪不在裏下之無益宜達原飲疎之 檳榔二錢厚朴一

錢草果五分知母一錢芍藥黃芩各一錢甘草五分午後溫服右檳榔厚朴草果三

味消滯破結協力並逐使邪氣速離膜原後四味為溢液和血清燥和中之用按此

起可用若病成熱用此恐無濟有表者宜用河間雙解散無表者宜用東垣其邪

氣遊溢諸經不同本方加減法 脇痛耳聾寒熱嘔而口苦邪溢于少陽也加柴胡

錢一 腰背項痛邪溢于太陽也加羌活錢一 目痛眉棱骨痛眼眶痛鼻乾不眠邪溢

于陽明也加乾葛錢一若不見三陽經証不必加藥止照本方已上論初起

服此藥其邪不傳裏者一二劑自解其証候頭痛身痛發熱而復凜凜但內無胸滿

腹脹等証穀食不絕不煩不渴此邪氣外傳由肌表出或自發斑消或從出汗解斑

有斑疹桃花斑紫雲斑汗有自汗盜汗狂汗之異此病氣使然不必較論但求得斑

得汗為愈病耳此邪自外傳順証也勿藥亦能自愈

其有汗出不徹而熱不退者宜白虎湯生石膏各五錢知母甘草各五錢粳米一握服此藥辛

涼解散或戰汗或自汗而解蓋前服達原飲毒結漸開邪氣已離膜原尚未出表然

內外之氣已通故多汗脈長洪數故宜白虎辛涼散之也 其有斑出不透而熱不

退者宜舉斑湯白芍當歸各一錢升麻五分白芷柴胡各七錢川山甲二錢水蘊煎服 其

有斑汗並行而熱不除者宜白虎合舉斑湯 斑汗既愈一二日或四五日後依前

發熱無胸滿腹脹等証脈洪而數此膜原有隱伏之邪發未盡也勿藥一二日間當  
仍自汗自斑而愈 未愈者仍依前法治之然亦少有至於再三發者更少有也已

論邪  
傳表

若服達原飲而無汗無斑外亦無頭疼身痛惟胸膈痞滿此邪傳裏也 有欲吐不

吐者有得少吐不快者邪傳裏之上也宜瓜蒂散吐之甜瓜蒂錢一赤小豆二錢生梔

仁二錢用水二鐘煎至一鐘後入赤豆煎至八分先服四分一時後不吐再服盡吐之

如未盡煩滿尚存者再煎服如無瓜蒂以淡豆豉二錢代之此病飲食不能胸膈煩

而腹不滿吐之則邪減邪盡病自己 有心腹脹滿不嘔不吐或燥結便閉或熱結

旁流或協熱下利或大腸膠閉邪傳裏之中下也宜承氣湯大黃錢五厚朴錢一枳實錢一

芒硝錢二若但上焦痞滿無便結等病去芒硝即小承氣湯也然雖無結糞而大便粘

膩極臭者亦加之若不痞滿止便結者去厚朴枳實芒硝用二錢五分加甘草一錢

即調胃承氣湯也服此導去其邪邪減病自減邪盡病自己 有胸膈滿悶心腹脹

滿下部熱結膠粘者此上中皆病也不可吐吐之為逆但用承氣湯則上邪順流而

下嘔吐立止脹滿漸除 其有吐後下後既愈二三日或四五日依前復發者在上

者仍用吐藥在下仍用下藥此為再裏之証常事也其有三發者亦少有已上論  
邪傳裏

若服達元飲後或病失治而三陽証悉具裏証亦具又舌根先白胎至此時根黃至

中央此表裡分傳也其証外則身熱頭痛身疼腰背項痛眉稜痛口苦耳聾鼻乾內則胸膈心腹滿悶下部熱結此瘟病常事也斷不可強求其汗宜用承氣湯先通其裏裏邪去則氣通乘勢皆發于肌表矣 若表裡証悉去而熱仍不退此膜原之宜邪未盡也宜三消飲檳榔草果厚朴白芍甘草知母黃芩大黃乾葛羌活柴胡姜棗煎服調之可愈 服藥既愈三兩日復發者仍用三消飲復下復汗如前而愈此亦常事也至有三發者亦少有 若表邪多裡証少當治表兼治裡三消飲大黃少用 若裡証多表証少但治裏或吐或下表証自愈已上論表裏分傳

若始病但發熱頭痛身疼口苦鼻乾而內無裏証止宜達元飲加減法若不見三經病止于發熱不用加法繼而脈洪大數自汗而渴邪離膜原未能出表也宜白虎湯辛涼解散脈靜身涼而愈愈後數日依前發熱仍宜達元飲至後反加胸滿腹脹不思食煩渴舌上刺等証皆由表傳裏也達原飲加大黃微利之久而不去在上者用吐方在下者用承氣下方 若始則發熱漸加裏病既用承氣等湯下之而裏病除矣數日內復發熱反加頭痛身疼此由裏出表也脈浮者宜白虎湯下後熱減不甚熱雖無頭痛身疼而三四日後精神不慧脈浮者亦宜白虎湯汗之若服白虎湯不得汗者因精液枯竭也加人參覆卽則汗解 若大下後大汗後表裏証悉去矣繼而一身盡痛身如破杖甚則不可轉側周身骨寒而痛氣血虛非表証也當自愈已

論表裏  
遞傳

瘟病備用諸方

天行大頭發熱頭項腫或喉痺腫痛苓連消毒湯柴胡甘草桔梗川芎黃芩荆芥黃連防風羌活枳殼連翹射干白芷右方先入大黃利去一二次後去之加人參當歸牛蒡薑煎服

時行風瘟寒熱身頭痛咳嗽神不散葉本羌活甘草白芷細辛蒼朮川芎姜葱煎

感冒聲啞是浪子瘟敗毒散羌活獨活前胡柴胡枳殼茯苓川芎乾葛甘草桔梗

一鄉人皆感冒咳嗽亦是瘟用敗毒散

一鄉人多發熱內熱逐瘟湯黃連戊癸年倍黃芩乙巳年倍黃柏丙辛年倍甘草甲己年倍山桅丁壬年倍香

附紫蘇分等大黃倍三加硃砂雄黃為丸亦可湯則冷服

嵐瘴溪毒中人病發則迷困燥狂或聲啞此敗血毒玄妙散人參枳殼大黃柴胡黃

芩半夏甘草

腫頭傷寒玄黃辟瘟丹玄參大黃連翹牛蒡錢一酒黃芩酒黃連各二錢羌活荆芥

防風各五錢石膏桔梗各錢半甘草錢一食後作二十次頻服

蝦蟆瘟類傷寒身生濃泡疹子防風通聖散防風當歸川芎白芍連翹薄荷麻黃各

分石膏桔梗黃芩各八分白木梳子荆芥各三分滑石二錢半大黃芒硝各四分甘草一錢

瘟疫雜病論

汗論

不得汗雖被覆火灼亦無邪初發定在半表半裏至于傳變有出表者有入裏者有表裏分傳者凡見有表復有裏之病必先攻裏裏邪去而後得汗若裏氣壅滯陽氣不舒四肢且厥安能氣液蒸蒸以達長此如水注閉其後數不能涓滴凡見表裏分傳之証務宜承氣裡氣一通不待發散多有自能汗解不然者雖大劑麻黃湯連進非惟一毫無汗且加煩燥矣

戰汗邪先表後裡忽得戰汗經氣舒泄當即服靜身涼煩渴頓除 若應下失下氣消血耗欲作戰汗但戰而不汗者危以中氣虧敝但能陷降不能升發也次日當期復戰厥回汗出者生厥不回汗不出者死以正氣脫不勝邪也戰而厥回無汗者真陽尚在表氣枯涸也可使漸愈戰而不復忽墜者必死凡戰不可擾動但可溫覆擾動則戰而中止次日當期復戰

凡戰而汗不出宜大劑歸地加參內托

自汗不因發散自然汗出邪欲去也

若身熱大渴脈長洪而數宜白虎湯得戰汗

方解 若下後得自汗數日不止熱甚汗甚熱微汗微此表有留邪實病也邪盡汗止如不止者柴胡湯佐之表解汗當自止設有三陽經証當照前用本經藥加減法若誤認為表虛自汗用寔表止汗之劑則誤矣有裡証時當盛暑宜白虎湯若面無